

سِکدیاں رُوحاں

پروفیسر باغ حسین کمال





سکدیان رُوحان

پروفیسر باغ حسین کمال رحمۃ اللہ علیہ

جملہ حقوق محفوظ

عالمی سیاری کتاب نمبر 6-03-8973-969 International Standard Book No.

نام کتاب	_____	سکد یاں رُوحاں
تصنیف	_____	پروفیسر باغ حسین کمال رحمت اللہ علیہ
ناشر	_____	بانی سلسلہ اویسیہ کمالیہ
منتظم اعلیٰ	_____	الکمال پبلشرز - پنوال، چکوال
اہتمام اشاعت	_____	صاحبزادہ قاضی ثاقب کمال
پہلا ایڈیشن	_____	صاحبزادہ قاضی مراد کمال
چوتھا ایڈیشن	_____	(ایم اے اسلامیات)
تعداد	_____	1990ء
قیمت	_____	2007ء
	_____	1000
	_____	120/-

ملنے کا پتہ

”دار الفیضان“ پنوال شریف (برائے تحصیل چوک) چکوال

فون نمبر 0543-600267 موبائل 0300-9733482

انتساب

سکدیاں روحاں ، پیار کہانی، درداں بھری چنھاں
اک دو وا ای ناں یکہہ لینا سبھ سچاں دے ناں

(منزل)

رب سائیں نے نبیؐ دے صدقے مینوں طاقت بخشی
سالاں تھانویں پلاں دے وچ ہر منزل اپڑاواں
سیر کرا کے کعبے دی وت روضہ پاک پہنچا کے
انشاء اللہ نبی کریمؐ دے ہتھ وچ ہتھ پھڑاواں
جیہڑا آسی اپنا اپنا بھانڈا بھر لے جاسی
نام اللہ دے نال کمّالا! پتھر دل چمکاواں

سرنا نویں

- 9 جان پچھان ○ جیون دساں
11 موہاٹھ ○
12 کمال دی شاعری ○

عقیدت

- 17 اللہ ○
18 ذکر ○
19 اللہ کریمؑ، رسول کریمؐ ○
20 شکرانہ ○
21 محمدؐ ○
23 نعت ○
25 حسینؑ ○

کافیاں

- 29 نہ میں وانی، نہ میں بھی ○
30 میں چکاواں جشہ اپنا ○
31 کچھ ٹرگنیاں کچھ ٹروہسن ○
32 سوہنا مینڈا ماہی فی اڑیو ○
33 روئی اڑیے رو ○
34 عشقے دی سرکھا ری چائی اے ○
35 ساجن دے ہتھ ڈور اساڈی ○
36 پنج حواس تے پنج لطفے ○
37 ارج اے تساڈا ساڈا سنگ ○
40 اٹھے کھوہ وچ ڈھوہن لگا ایں ○

نظمیں

- 43 ○ عرضی
- 44 ○ بلاوا
- 45 ○ دل
- 46 ○ دُعا
- 47 ○ وطن
- 48 ○ کرامت
- 49 ○ ہوکا
- 51 ○ سوال
- 52 ○ زخمائی سمجھی
- 53 ○ نذرانہ
- 55 ○ فلسطییاں دا گیت
- 56 ○ سوال ہی سوال
- 57 ○ فن کار
- 58 ○ ٹوہ
- 59 ○ دیوا
- 60 ○ چائنہ نصیرا
- 61 ○ ہٹھ
- 62 ○ ویلے دی گل
- 63 ○ بھل
- 64 ○ ایسہ میلہ شاہ حسینؑ دا
- 65 ○ حسنِ حقیقت (ترجمہ)
- 67 ○ پیادے گلکھڑ شہر نی
- 69 ○ ہند ٹوبا
- 69 ○ شریک
- 70 ○ ونڈ
- 70 ○ جگراتا

71	ریت	○
71	تحفہ	○
72	اُبالے	○
72	دعوت	○
73	بڑھاپا	○
73	ازادی	○
74	تماشہ	○
74	دُعا	○
75	لکھ	○
75	دارو	○
76	سنگ	○
76	افغانستان	○
77	پتہ	○
77	نٹھیوڑ	○
78	یادیں	○
78	لے	○

لوک انگ

81	رومال	○
82	منہاں	○
84	قربان دھنی دا وسنا	○
87	ڈھول سپاہیا	○
88	جرگہ، سادھ	○

غزلاں

91	دل اے ضدی بالک اس نوں یکہہ کوئی بھجادی	○
93	کھرتوں۔ برتوں ہو گئے سارے سٹی ساتھی میرے	○
95	میں تے لیکھیں ہریا رو رو ایویں حال دنجواں	○

- 97 کنیاں سدھراں نال تسنوں پیار دا پھل سی گھلایا ○
- 99 ہتھیں ٹھوٹھا، چٹا پھڑیا گل وچ پائیاں لیراں ○
- 01 کوئی نجومی دے سانوں، ہن کیمہ دکن تارے ○
- 103 نال اساڈے سکھ نے پائی خبرے کیمی اجوڑ ○
- 105 کنیاں تاپنگال سینے دے وچ کونجاں بن کر لان ○
- 106 چن چائن بچ جھلدی پئی اے مست پرے دی وا ○
- 107 اجے تے منزل دور دراڑی، اجے تے لمیاں جوہاں ○
- 108 چدوی دل دے بھے وچوں عشقے پائی جھات ○
- 109 عم دا داغ نہ دھوپے بھانویں لکھ واری پیا دھویے ○
- 110 چلدی ایس پئی کھبڑے سب دی چال توں بائچئے تارے ○
- 111 بدل نظارہ کوئی نہیں چڑھیا، اکھاں نیں ترہائیاں ○
- 112 مدتاں توں شمس بدل دیا پیاں غرقیاں جیہیاں ○
- 113 دیوے بال رکھاں خانقاہواں ○
- 115 دی دی اکھ اگھوڑنا ○
- 118 ہوندا جاویں پراں پریرا ○
- 119 صدیاں دا اک روگ ○
- 120 کون نیڑے ○
- 121 کوڑ سارے ○
- 123 کالیاں راتاں ○
- 125 باغ کمال ○
- 127 دل دے ڈیرے ○
- 129 اکھ اگھوڑ ○
- 130 چھلا نشانی ○
- 133 یاد یار ○
- 136 بھیردے چالے ○

جیون دساں

ناں	○	باغ حسین
تخلص	○	کمال
والدواں	○	قاضی حسن دین
جنم تاریخ	○	22 مارچ 1937 ء
جنم تھاں	○	پنوال، چکوال، پنجاب، پاکستان

☆	تعلیم	
○	میٹرک	گورنمنٹ ہائی سکول چکوال 1955 ء
○	ایف۔ اے	گورنمنٹ کالج چکوال 1957 ء
○	بی۔ اے (پرائیویٹ)	پنجاب یونیورسٹی لاہور 1963 ء
○	ایم۔ اے اردو (پرائیویٹ)	پنجاب یونیورسٹی لاہور 1966 ء
○	بی۔ ایڈ (پرائیویٹ)	پنجاب یونیورسٹی لاہور 1967 ء
○	ایم۔ اے پنجابی (پرائیویٹ)	پنجاب یونیورسٹی لاہور 1974 ء

- ☆ صحافت نامہ نگار ”امروز“، تعمیر 1960ء تا 1970ء
- ☆ ملازمت کلرک میونسپلٹی چکوال 1959ء تا 1963ء

☆ تدریس

- انگلش ٹیچر، اسلامیہ ہائی سکول چکوال 1963ء تا 1967ء
- ہیڈ ماسٹر، گورنمنٹ مڈل سکول دہلہ، ڈھڈیال 1967ء تا 1975ء
- گورنمنٹ کالج جی ٹی روڈ جہلم 1975ء تا 1997ء

☆ لکھتاں / تالیفات

- کلام شاہ مراد (رولواں سودھن ہار) 1966ء
- لوک گاؤں 1980ء
- حال سفر (تصوّف تے سلوک) بیس بار 1987ء تا 2007ء
- حسن طلب (اردو شاعری) چار وار 1990ء تا 2007ء
- سکدیاں روحاں (پنجابی شاعری) چار وار 1990ء تا 2007ء
- تاریخ وصال 31 دسمبر 2000ء
- تدفین یکم جنوری 2001ء
- مقام تدفین ”دار الفیضان“ پتوال شریف، چکوال

موہاٹھ

کوئی نیویارک تے لاہور دا اسی ہووے یا افریقہ دے جنگل
تے پنجاب دی کسے دور دراڑی ڈھوک دا وسنیک پڑھیا
لکھیا ہووے یا چٹا ان پڑھ بچادی انسانی جذبیاں احساس
تے سوچاں دا مونہ اندرا کو جیہا، پر انہاں دے بیان دا بچ
تے ڈھنگ ہر کسی دا اپنا تے نوکلا ہوندا اے گل کرن دی
ایہہ سچڑی اٹکل تے رنگ ای شاعری اکھواندا اے۔

میں کوئی نویں گل تے نہیں کیتی پر فیروی شیت میرے
شعر دے شیشے وچ تہانوں اپنے دل دی کسے واردات
جذبے تے احساس دا عکس نظر آجاوے رہی ایہہ گل جے
میرا گل کرن دارنگ ڈھنگ من بھانا ہے یا میں سوگندارش
اے کہ

دُڈھ کر پیتاں ساڈیاں ہتھال دا پانی نہیں

باغ حسین کمال

کمال دی شاعری

پاکستانی پنجاب دا ضلع چکوال ہزاراں ورھے پرانی تہذیب تے پنجابی زبان دی وڈی شعری ریت دا وارث اے۔ ایس خطے نے جتھے ان گنت من موہنے لوک گیت پنجابی لوک ریت دی جھولی پائے اوتھے پرانے سے وچ مرکزی پنجابی شعری ریت نوں شاہ مراد تے شاہ شرف ورگے سوہنے تے سچے شاعر وی دتے تے اجوکے سے وچ وی کئی نویں تے نکھڑویں شاعر پیدا کیے۔ ایہناں ای نویں تے نکھڑویں شاعراں وچوں اک کمال دے شاعر باغ حسین کمال نیں۔

باغ حسین کمال ضلع چکوال دے مرکزی علاقہ دھن یا دھنی دے رہن آلے نیں ، اوہناں ویسویں صدی عیسوی دے چھیویں دھاکے دے اخیر لے ورھیاں وچ جس شعری ماحول وچ شاعری شروع کیتی اوہدے وچ اک تے آپنے لوک گیت رچے لے سن ، دوجا صوفیانہ شاعری دا گوہڑا اثر لگا آ رہیا سی ، تریجا حکومتی پابندیاں دے باوجود ترقی پسندی نویں ذہناں نوں متاثر کر رہی سی۔ باغ حسین کمال نے ایہناں تناں توں گھٹ ودھ اثر لیدیاں ہوياں اپنی شاعری وچ سرور تے اکھیں ڈٹھی نوں پھیائی تے سوہن نال پیش کرن دی راہ چنی۔ تے بہوں چھیتی اوہ آپنی خاص تخلیقی ٹور نال پچھانے جان لگ پئے۔

باغ حسین کمال دی شاعری موضوعاتی ، تمثالی تے ، صغی کھلار دی شاعری اے۔ اوہناں دا اک خاص موضوع مجازی تے حقیقی عشق دے ذاتی تجربے تے ایس تجربے نال آون آلے اندر لے باہر لے دکھاں سکھاں دا اظہار اے۔ ویلے نے اوہناں نوں دکھ بھتے تے سکھ تھوڑے دتے نیں ، پر اہمدے باوجود اوہ بڑے جگرے تے عاشقانہ سرمستی نال اپنا پنہ مارے جانے نیں ، ایہہ عاشقانہ سرمستی اوہناں دی حقیقی عشق دی شاعری وچ بھتے زور نال

آئی اے۔ جیویں

چٹا کرے ہر دم شالا
رس نہ جلوے مائی
جپ کمالا نام اللہ دا
نن عرشاں دا راہی

باغ حسین کمال نے مجازی تے حقیقی عشق توں دکھ ذاتی ، سماجی تے
قومی جیون دیاں لوکھتاں نوں وی بڑی درد مندی نال آپنی شاعری دا موضوع
بنایا اے تے لوہ آپنی ذات دے نال نال آپنے دیس دے سماجی تے قومی جیون
نوں وی اندروں باہروں ستھرا تے سوکھا کرن تے دیکھن دیاں سوچاں تے
سدھراں دا اظہار کر دے نیں تے ایہناں سوچاں تے سدھراں وچ نویں
سرت رلی ملی اے۔

متھے رگڑے لیکاں کڈھیاں
ہویاں معاف خطائیں
نھیرا نڈھا تے پوہ پھٹی
کرم کیتا رب سائیں
پر ایہہ دیکھن دا چائن مویا
نھیرے توں ودھ ہویا
میری فخر تے بن گئی سیو
سو خوشیاں ۔ اک غمی

باغ حسین کمال دی شاعری دا اک ہور موضوع فطرت دیاں شیواں
نیں ، ایہناں شیواں نال لوہناں دا رشتہ جمالیاتی ہون نال تہذیبی وی
اے۔ لوہناں دیاں لوک رنگ آلیاں گیت نما نظماں وچ فطرت نال ایہہ رشتہ
اکثر کے ساہنے آؤندا اے ، آپنی علاقائی فطرت تے تہذیب نال لوہناں دے
پیار وچ کسے دوجے علاقے دی ننڈیا دا رلا نہیں۔

باغ حسین کمال نے آپنی شاعری وچ مرکزی پنجابی شعری ریت نال
 جز کے رہندیاں ہوئیاں دھنی پنجابی لوک ریت ، لوک گیتاں لفظاں تے
 تمثالاں دا رنگ بڑے سبھا نال رلایا اے۔ جس پاروں اوہدے وچ کھلار آیا اے
 نالے اوہناں آپنی نویں پرانی رہتل وچوں پھیاں ہوئیاں نویاں پرانیاں تشبیہاتی
 تے استعاراتی تمثالاں فنی پخیرے پن نال لیاندیاں نیں۔

باغ حسین کمال نے دنوں صفیاں تے جڑاں ورتیاں نیں جیویں
 کافیاں ، کئی جڑاں دیاں قافیہ دار نظماں ، آزاد نظماں تے غزلاں۔ کافیاں دی
 تعداد بھانویں گھٹ اے پر ہر کافی اندر لہ جان آلی اے تے جنھن نظماں
 وچ کافی دا کوئی نہ کوئی انگ موجود اے اوہ دی بہتا متاثر کرن آکیاں نیں۔
 لوک رنگ آکیاں گیت نما نظماں تے اوہناں دلوں دھنی دی اچھی
 سوغات نیں۔

باغ حسین کمال دیاں غزلاں آپنے موضوعاتی کھلار ، زور دار تشبیہاتی
 تے استعاراتی تمثالاں تے فنی پخیرے پن تے سوچن پاروں پہلاں دی بہوں
 سلاہیاں کہیاں نیں تے آگوں وی ہمیش سلاہیاں جاندیاں رہن کہیاں۔ اوہ
 پنجابی غزل دے اک اچے نویں شاعر نیں۔

باغ حسین کمال دی نویں سرت وچ گھلی ملی درد بھری فقیرانہ لے
 اپنا سبھ توں دکھراتے بھرواں اثر رکھدی اے ، جس نوں کوئی سنن آلا
 لدے دی شیں بھلا سکدا۔

یوسف حسن

راولپنڈی

عقیدت

اپنا آپ پہچانن والا
سدھا رستہ نپاں
باغ کمالا! نام اللہ دا
دم دم دے وچ جپاں

اللہ جلّ جلالہ

- ہکا ذات اے ذات صفتوں ہکا بک ہکلاً _____ اللہ
- ہکا ذات اے جس وچ پاوے ہو نہ کوئی رلا _____ اللہ
- ہکا ذات اے جس دے ذکروں دل نوں ہوگ تسلاً _____ اللہ
- ہکا ذات اے جس دے نوروں ہر شے نور تجلی _____ اللہ
- ہکا ذات اے جس دی نظروں دسدا اے عرش معلیٰ _____ اللہ
- ہکا ذات اے جس دے کرموں ہووے کم سولاً _____ اللہ
- ہکا ذات اے جس دے فضلوں دو نہیں جمانیں بھلاً _____ اللہ
- ہکا ذات اے جس دی جُبوں دل وچ پئے تھر تھلاً _____ اللہ
- ہکا ذات اے جس دا نیپے پکا پیڈا پلا _____ اللہ
- باغ کمالا! جپ ہر ویلے عن نہ اڑیا جھلاً _____ اللہ

ذکر

چونماں پاسے کھنڈیاں جاپن
لوواں تے خشبوواں
ساہ دی تندوچ جد دی تیرے
نام دے پھل پروواں

جل جلالہ
اللہ کریم

القول اس دا نانواں
جشہ نہ پرچھانواں
ہر جا اس دا ڈیرہ
انج اے یار نتھانواں

رسولِ کریم ﷺ

جے، کجے، اچھ اندھیارا
ساہنے اے اوہ نور منارا

شکرانہ

الف اللہ جل جلالہ! باغ کمالا! کج کرے شکرانہ
سارے عالم نال ملایے نالے گل زمانہ
سبھ سمندر نور سیاہی، رُکھ بنائے قلمائیں
کون مکان دی تختی اُتے لکھیے حق سُمانہ

م محمد ﷺ دے دربارے باغا نذر گزاراں
کون مکان دیاں کٹھیاں کر کے ساریاں حُسن بہاراں
پڑھ درود ہر تھاں ہر ویلے دن سون سوغاتاں
پُھل پیتاں تے لعل جواہر آپ دے اُتوں داراں

محمد ﷺ

نوری کاغذ، نور سیاہی، نوری قلم بنانواں
بسم اللہ بسم اللہ کر کے لکھاں محمدؐ نانواں

تیرے فرشوں بوہتی نیویاں عرشاں دی اچیاں
کس پیمانے نال میں تیریاں شاناں ناپ دکھانواں

توں نقطہ تے سبھ مخلوقاں تیرے گرد ای دائرہ
دونہاں جہاناں دی تحریر دا توں ای ایں سرنانواں

سرودیاں بلدیاں تھلاں جج جیہڑے ترفن لوک نماں
اونہاں واسطے ای نیں تیریاں ٹھنڈیاں مٹھیاں چھانواں

توں سائیاں کونین دا والی میں ہاں اک سوالی
تیرے ہتھیں رحمت دولت، میرے ہتھ دُعاواں

تیری رحمت بن جاندی اے مینوں آس سہارا
انھ ہنیر گناہواں پاروں جد وی میں گھبرانوواں

نام اللہ جلّٰہ دا نام محمدؐ ہر ساہ دے وچ جپناں
ہر ویلے ہر تھاں دے اُتے انج میں یاد منانوواں

ہیرے ، موتی ، لعل جواہر بولی دے وچ لگے
اپنی ائی دا اج یارو ! میں دی مل پوانوواں

باغ کمالا ! بس کر مت کوئی راز دی گل کر جائیں
نوری تاراں لکھن لکھیاں جھلیاں خوشبو ، داواں

نعت

اج دہاڑے مکیا جگ توں رات دا اٹھ ہیرا
اج فاران دی چوٹیوں ہویا خشیاں مکھ سویرا

یثرب دی مٹی بن جاوے میری اکھاں دا سرمہ
اوگن ہارا میں وچارا تے ایڈ نصیبہ میرا؟

پیراں دے چھالے پئے چودن دیدے رت پئے روون
اچے تے منزل دور دراڈی اچے تے پنڈھ لمیرا

ہوٹھاں دی ٹہنی دے اتے سدھراں پھل کملاون
دل دے سکے ٹوٹے اتے ہووے مینہ گھنیرا

تھیا تھیا کر کے نچسماں کدیں تے میں دی یارو
کدیں تے میرے آل دوالیوں ٹٹ سی غم دا گھیرا

میں کس مونہوں ذات تیری دی مدح آکھ سناواں
میرا تھانواں بہتا ای نیواں تیرا ناؤں اچیرا

باغ کمالا! توں کہیہ جھورا لا بیٹھا ایں جھلیا
اس ہستی دے لائق نیوں تیرے دل دا ڈیرا

حسین رضی اللہ عنہ

دل میرا اے غم سمندر، اکھ اے اتھرو مالا
چیتے آیا اے اج مینوں واقعہ کر بل والا

سیس کٹاؤنا، کنبہ کھاؤنا، واہ واہ ریت بنائی
لٹ لٹا کے دنیا تائیں دتا درس نرالا

شاہ دے لہو نال بجی ریت چوں نور مشالاں بلیاں
بچ دا متھا لاناں مارے جھوٹھ دا اے منہ کالا

یکہہ توفیق کراں جے تیری میں تعریف وچارا
میرا تھانواں بہتا ای نیواں تیرا رتبہ بالا

رکھ مثال حسینی ساہنے سر دی بازی لائیے
حق سچ دا تاں جھنڈا چائیے باغ حسین کمالا

کافیاں

چونناں پاسے خیر منیرا
لہ نی کدھروں لو
رنگ۔ رنگ مجتہاں جھڈ کے
کوہک دی ہو

کافی

نہ میں وائے نہ میں بیجی
دس مَن کیہہ میں کہاں
لوکاں بھانڈے بھرے بھجے
مینڈیاں خالی لپاں
ساریاں رُجھاں کوڑ وپارا
انجے ای کٹیاں گپاں
اکھر اکھر سب اٹھوہاں
سبھ کتاباں ٹھپاں
اپنا آپ پچھانن والا
سدھا رستہ نپاں
باغ کمالا ! نام اللہ دا
دم دم دے دج جپاں

کافی

میں چمکاواں جیہہ اپنا
دل وچ گھور سیاہی
چونماں پاسے چکڑ گندگی
میں وچ منجی ڈاہی
بدی واہی ، بدی بیجی
بدی کچی ، گاہی
چانن والا کاج نہ کیتا
دل وچ بھر لئی شاہی
چننا کرے ہر دم شالا
زُس نہ جاوے ماہی
جپ کمالا ! نام اللہ دا
من عرشاں دا راہی

کافی

کچھ ٹر گئیاں کچھ ٹر وین
مینڈی دی کل واری
کچھی مینڈی خالم خالی
ہنی مصیبت بھاری
قول قراراں والی گل چا
من چوں میں وساری
ربا بھل ہوئی میرے کولوں
کر دی آں ہن زاری
مرشد کامل جنہاں پھڑیا
ڈنی بیدی تاری
عرش معلیٰ باغ کمالا
اوہناں اک اڈاری

کافی

سوہنا مینڈا ماہی فی اڑیو
سوہنا مینڈا ماہی
اوہدے عشق دی پے گئی جیویں
میرے گل وچ پچاہی
کھلی کھلوتی جھڈ کے مینوں
ٹر گیا کدھر راہی
نس نس نس ، لہ لہ تھکی
جنگل جوہ سبھ گاہی
آہاں تے عرلاں جیویں
میری قسمت آہی

کافی

رو فی اڑیے رو
دل دا دامن میلا ہویا
ہنجواں دے نال دھو
چونہاں پاسے ٹھیرا
لہ نی کدھروں لو
رنگ. رنگ مچھتاں چھڈ کے
کو ہک دی ہو

کافی

”عشق دی سر کھاری چائی اے
در در دینی آں ہوکا“
عشق ہنیری اج پئی جھلدی
کل نہ آسی آ جھوکا
عشق دی بارش اج پئی ویدی
کل پے جاسی آ سوکا
عشق دے کھوہ چوں توں وی بھر لے
پیار دا کوئی ہوکا
وے لوکا

کافی

”ساجن دے ہتھ ڈور اساڈی
میں ساجن دی گڈی“
ساجن مینوں اڈ اڈایا
میں عرشاں تے اڈی
عشق دی کھیڈچ میں تے سیو
پہلے پور ای ہنگ
لوکی محل ای لھدے رہ گئے
میں تے لہ لئی جھگی
دل دے شیشے اُتوں لاہ لے
دنیا والی والی
دنیا دی دلدل وچ پھس کے
نی سکھیے توں بُھلی

کافی

بچ حواس تے بچ لطیفے
ظاہر باطن دس
جنہاں تجھی ایسہ جھارت
اوہناں دے من دس
پہلے بچ نیں سب اٹھوہیں
پل پل سانوں ڈس
دوہجے بچ نیں جنہاں سمیڑے
اوہ خوش قسمت ہن
صبر قرار کھڑاون پہلے
دوہجے خوشیاں دس
اللہ والے دوہجے چاہون
پہلیاں کولوں نس
دنیا دار کمالا ! پہلیاں
دے جالاں وچ پھرن

کافی

انج اے تساڈا ساڈا سنگ
جیویں پھل وچ خوشبو دے
یا جوں بدلاں وچ جھلی مے
یا جوں ششے وچ لشکارا
یا جوں مہندی دے وچ رنگ
انج اے تساڈا ساڈا سنگ

انج اے تساڈا ساڈا سنگ
جیویں سازاں وچ آواز
یا جوں سینے دے وچ راز
یا جوں اکھیاں دے وچ نیندر
یا جوں دل وچ کوئی امنگ
انج اے تساڈا ساڈا سنگ

انج اے تساؤ ساؤا سنگ
جیویں پھل پتی تے تریل
یا جوں رات فجر دا میل
یا جوں دیوٹ دے وچ چانن
یا جوں اے پنجاب ج جھنگ
انج اے تساؤ ساؤا سنگ

انج اے تساؤ ساؤا سنگ
جیویں پلکیں چکے تارا
یا جوں برہوں آس سہارا
یا جوں زخماں دے وچ پیڑاں
یا جوں ڈوری نال پتنگ
انج اے تساؤ ساؤا سنگ

انج اے تساؤ ساؤا سنگ
جیویں ثنی دے وچ میوہ
یا جوں مندری دے وچ تھیوا
یا جوں بوٹی دے وچ نشہ
یا جوں دارے وچ ملنگ
انج اے تساؤ ساؤا سنگ

انج اے تارا ساڈا سنگ
جیویں چیترا یور پھلہا ہی
یا جوں یاداں دے وچ ماہی
یا جوں لفظاں دے وچ معنی
یا جوں پیالے چ جل ترنگ
انج اے تارا ساڈا سنگ

انج اے تارا ساڈا سنگ
جیویں انگلی دے وچ پھلہا
یا جوں مسجد وچ مصلّا
یا جوں صوفی دے ہتھ تسمی
یا جوں گوری بانہ وچ دنگ
انج اے تارا ساڈا سنگ

کافی

اٹھے کھوہ وچ ڈھوہن لگا ایں اے وی ویلا ای سچ اوئے یار

صبر قناعت اٹھ گئی جگ توں جھکھو حرص دا گھلیا
مت اجی ماری گئی سو بندہ رب نوں بھلیا
چھڈ تکبر، سٹ وڈیائی، جیون تیرا کچ اوئے یار

دل شیشے تے دھوڑ جی آ شیشے نوں لشکالے
نام اللہ دا چپ ہر ویلے اکھیوں نیر دہالے
کوڑی دنیا چار دیہاڑے دنیا تے نہ سچ اوئے یار

جنھال عمل کمائے سوہنے اونماں ای باغ بہاراں
اوہناں نوں شیں خوف اجل دا جنھال رب دیاں ساراں
خوشیاں مانن باغ کمالا! پلے جنھال دے سچ اوئے یار

نظمیں

تینوں کیمہ پوشاک پوشاواں
تنگ تینوں ہر چولا

عرضی

توں عرشیں
تے میں آں فرشیں
اڈاں اڈ نہ سکاں
نیویاں تھانواں اُتے کھلتا
تھلیوں ہٹ ہٹ نکاں
لو دے اندروں نملاں کیاں
اکھیوں تھک گئی لو
میں تے اچا ہو میں سکدا
توں ای نیواں ہو

بلاوا

توں خالق تے میں مخلوق
میں عاشق تے توں معشوق
تیرے میرے بچ لکھ پواڑا
دھرتی توں عرشاں دا پاڑا
پر ایسہ شیشہ --- میرا دل
جس وچ توں تے تیری خدائی
سبھ سائی
لانہ ایویں ڈھل
آہن مینوں مل

دل

اُچ اچیری، وڈ وڈیری
اکو تیری ذات
سبھ شیواں نیں تیری صفتوں
ہر وچ تیری جہات
پر اس دل دی شان اے وکھری
جس وچ تیری گھات

دُعا

غ غزالہ ش شکلیہ دو بھیں تن ویر
ث ثاقب تے ت تابش نہیں
نالے م مراد
رب رکھے نہیں شاد
لٹھیاں نول تک ہووے باغا
میری دل افروزی
رب سائیں نے بخشی سبھ نول
درد مندی، دل سوزی
بھیں دے سر حیا دی چنی
ویراں دے سر پت دا پٹکا
کوئی نہ ہووے کھٹکا
دین دُنی دی برکت ہووے
لگے نہ تتی وا
ایسہ ہے میری دُعا

وطن

تدھ تے کرم کرے رب سائیں
تیریاں ہوون دُور بلائیں
تیرے نال نین ساڈے سٹھ
توں ایں جیویں تھل وچ رُکھ
تیری ہووے سگھنی چھاں
جگ وچ اُچا تیرا ناں

کرامت

(قائد اعظم دی خدمت ج)

لج ویلے دے سینے اتے
ایسہ عبارتیں کھنیاں ہوئیاں
تیرے ہٹھ دے تیشے بلہا! درد پہاڑاں وچوں
سکھ ارام دی ٹھڈی مٹھی نہر اک کڈھی
تیری نظراں دی رشنائی نور اسمانی بن کے
لکھ کروڑاں سینیاں دے وچ لٹھی
تیری واج نے سارے قافلے والیاں دے دلاں وچ
ہمتاں، جذبیاں دی اک لہر وگائی
لوکاں ڈوریاں بھوریاں ہو کے ایسہ کرامت دیکھی
آپے ای منزل کول اساڈے نسدیاں نسدیاں آئی
تیری ای سوچ دے چڑھدے سورج نوں تک کے
کنیاں ای اکھاں چنھیاں ہوئیاں

ہو کا

(کشمیریاں دے ہیں)

کچھ تے کریو چارا
ہتھوں پچھٹی ڈور اساڈے
گڈی اڈ گئی دور ڈراڈے
کیہ من شور کلارا

غیراں کیہ کیہ متا پکایا
ویلا ساڈے اُتے آیا
حشر دیہاڑیوں بھارا

ہارے بھانویں ہوئی ٹھگی
متھے ساڈے کالک لگی
دیو خون اتارا

دیریاں کہتے زور دھگانے
بھج جائے یا بھجے دانے
ماریو چوب نگارا

انج نہ آون ہتھ کشمیراں
آپ بٹھائیے اپنیاں دھیراں
لوکاں گھوڑ وپارا

کوئی منے یا نہ منے
ہوکا دیندا اے تے تے
باغ کمال ونجارا

سوال

دھمک دھمک ویری دے پیراں دا بُوے کھڑکار
اکھیاں دے وچ اگ دے لہو، ہتھ اوہدے تلوار

اتر پاسیوں اڈی دے لُہاں دی اک ڈار
ماں دھرتی اے اک دھرنگا کتیاں دے وچکار

کد توڑیں ایہہ تہاڑی رہی ”میں میں تو تکار“
پیراں پٹھ مدھولن لگے اپنی ای دستار

تہاڑی نا اتفاقی پاروں دوزخ بن گیا گھار
پتھو کد تائیں کر دے رہسو لوکاں نوں پزار؟

زخمائی گھگھی

میرے دیس دے شاعر سجنو
نہ ڈورے تے تئیں اتھے
فیر کیوں مجھے بن گئے او
اک ” زخمائی گھگھی“ اتے
خونی گدھاں جھپٹ رہیاں نیں
بولو چپاں وٹ لئیاں نیں
قلم تھڑی ٹٹ گئی اے
یا فیر شاہی بھٹ گئی اے
لکھن والے رت دی شاہی
انگلی قلم بنا لیدے نیں
حق دا جھنڈا چالیدے نیں

نذرانہ

(افغان مجاہدوں کی خدمت ج)

..... میں شرمندہ آں
مانواں، بھیناں، دھیاں کولوں
جنہاں دیاں سجیلے پتراں،
جھیلے ویراں،
انکھی پیواں
ظلم دے ہڑونے اگے سنے ڈاہے
ہوٹھاں تے لگے چپ دے
جنڈرے لاہے
چے چے تے لبو اچھاں کے
دیوے بال کے
انھ ہنیرے دور نسائے
چانن ورتائے

میں شرمندہ آں
 اوہناں جیالیاں دی خدمت بچ
 کوئی سدھ نذرانہ پیش نہ کیتا
 جنہاں رتورت لاشاں دی
 کندھ اسار کے
 جاناں وار کے
 ”سرخ ہنیر نے“ اگے بند بٹھ دتا
 سبز گنبد دی برکت پاروں
 پاک جھنڈے دا رنگ کچھ گوہڑا کیتا
 جھنڈا ۔۔۔ جیہدی اچھائی ماریاں
 غوث، قطب فریاداں کردے
 رب درگا ہیں خیر دعاواں منگدے رہندے
 ساڈے کرتوتاں توں سنگدے رہندے

فلسطینیاں دا گیت

جنگ ----- جیہڑی

رات ہنیری

خون تے اگ

دُکھ پر چھانواں

وسدی زہر

بن گئی اے

رنگی پوہ

گل گلزار

سکھ سینوہڑا

جیون لہر

سوال ای سوال

اج ولواں دے وچ گھولیا
ایسہ کس نے مارو زہر
اج تھیریاں وچ ولہیٹیا
چانن دا کس نے شر
ہن کیمہڑا ڈکسی آن کے
ایسہ ظلم دی وگدی لہر
اج سڑکاں اتے ڈولہیا
لہو دا کس نے رنگ
ایسہ کس نے ویر سہیڑیا
اج دشمن بن گئے سنگ
پئی موت دی ناگن مار دی
ایتھے ہندے ہندے نوں ڈنگ
ہن کد تائیں خچ خچ خچسی
ایسہ موت دی کالی ڈین
اج ہندہ ہندہ پیا پھندا
ہن دس سائیں تے سین
گھر گھر چوں کد تائیں اٹھن
ایسہ ہلواں، چکیاں، دین

فن کار

میں فن کار آں
سوچ دیاں گھر گھیراں وچ
چک پھیریاں کھاناں
کئی واری ڈنماں، کئی واری ترناں
کئی واری جیناں، کئی واری مرناں
دکھاں دے اوکھے بھار سرے تے چاناں
میریاں سوچاں، میرے بھار
میرا ڈن، میرا ترن
میرا جیون، میرا مرن
کس کارن اے؟
کے پچھاتا، کے نہ جاتا
کیہ دساں میں دل شمشے تے
پیاں کیویں لکھ تریڑاں
لمی کمانی درداں والی
کیکن چھیڑاں

ٹوہ

نہ منصور،

تے نہ میں رانجھا

بالناتھ وی بن نہ سکاں

ڈوریاں بھوریاں

مڑ مڑ اپنے آپ نوں نکاں

دیوا

بدل کڑکے ، جھکھڑ شوکے
رات ڈراؤنی، گدڑ گوکے
راہ وچ کھڈے، بے ، ٹوئے
فیر دی سدھا ثریا جاواں
نہ بھلاں نہ ٹھیڈے کھاواں
انج جاپے جوں میرے اندر
کوئی دیوا جگیا ہوئے

چانن نھیرا

ساری راتیں واچھڑ غم دی
نازک جندڑی جھمی
جفر جالے کھر پالے
فیر دی رات نہ دھمی

متھے رگڑے، لیکاں کڈھیاں
ہویاں معاف خطائیں
نھیرا ننھا تے پوہ پھٹی
کرم کیتا رب سائیں

پرایہہ دینہہ دا چانن مویا
نھیرے توں ودھ ہویا
میری فجر تے بن گئی سیو
سو خوشیاں اک غمی

ہٹھ

انھے کھوہ وچ ڈکے ہوئے
چاہواں دے پنچھی
نھیرے دے پنجرے دی
تیلیاں توڑ کے
باہر اڈے
ڈردے تپ دے مارے ہوئے
جیون بازی ہارے ہوئے
ایسہ پکھیرو، ان جھک ہو کے
انچ فضا وچ انچ اڈدے نیں
جیویں کوئی تراہ، خوف تے ڈر
ایہناں دے دل ول ودھ نہ سکے
”ایسہ معجزہ یارو کیویں ہو یا؟“
میں اک پکھوں کولوں پچھیا
آکھن لگا ہس کے --- ”بلیا
بھکھ جد حدوں ودھ جاندی اے
دل ودھیرا لے آندی اے“

ویلے دی گل

کل تائیں تے ویکھ کے دونویں
چھبے وانگن کھڑ جانڈے ساں
جھہی پانڈے ساں
اج مکیڈیاں سار ای دونویں
متھے تے وٹ پایے
راہ ولایے

بُھل

مدتوں پہنچوں
فیراج اس نے
وات لئی اے میری
بُھدا اے پئی
”توں تے مینوں
بُھل گیا ہوویں گا“
میں ہن اوہنوں
کیویں پچھاں
کون سی جیہڑا
لوں لوں میرے
وسیا رہیا
ساہواں دے وچ
رسیا رہیا

ایہہ میلہ شاہ حسینؒ دا

جتھے کھلریاں شوق بہاراں جتھے وجن دل دیاں تاراں
جتھے منگیاں آن دعاواں دل والیاں، عشق بہاراں
ایہہ میلہ شاہ حسینؒ دا

جگ ویتھن جس نوں آیا جیہدا جو بن انت سہایا
ایتھے سدھراں ہا سے ہیاں ایتھے خوشیاں جھمر پایا
ایہہ میلہ شاہ حسینؒ دا

بچ پانیاں دا ایہہ مان ایتھے چاہواں روپ وٹان
اج تانہنگاں دین مہارکھاں اج اچی اساڈی شان
ایہہ میلہ شاہ حسینؒ دا

ایہہ فن، حسن دا شہر رنگ ویکھو لہر لہر
ایتھے نور مشالاں بلیاں ایتھے نظر نہ سہی ٹھہر

حُسنِ حقیقت

(اقبال دی اردو نظم ”حقیقت حسن“ دا ترجمہ)

رب سائیں توں حسن نے کجھی ایہہ گل اک دیاڑے
میں آں اک پرچھانوال، میرے لکھ لکھے کیوں ماڑے

”دیا“ دنیا مورت کوٹھا ایہہ حقیقت جانی
لی رات فنا دی وچوں پھرے ایہہ کماٹی

اولا بدلی دا رنگ چڑھنا ، سدا نہ مخلصی جنا
جیہڑا اتھے سوہنا اوڑک اوہ ای بھانڈا بھجنا“

چن دے کنیں پے گئی گل ایہہ جو سی آل دوارے
انبراتے کھنڈ گئی جتھوں سن لئی فجر دے تارے

فجر دے تارے کولوں سن کے تریلی تیک پجائی
دھرتی دے وسیکاں تائیں انبروں گل سنائی

تریل سیہا سن کے پھل دی اکھیوں اتھرو ڈلھے
رتو رت دل کلی دا ہویا، غم دے جھکھو جھلے

چھم چھم روندی باغ دے ویٹریوں رت پھلاں دی ڈھلی
سوئل جوانی سیر نوں آئی، ہو اداسی چلی

پیا وسے گلکھڑ شہرنی

پیا وسے گلکھڑ شہرنی
جتھے ویریاں سٹیا زہرنی
ایسہ زہرتے جیون لہرنی
پیا وسے گلکھڑ شہرنی

ایتھے دشمن دے کال آئے سن
جنہاں ممب وی کچھ گرائے سن
ساڈے بازاں مارنسائے سن
ایسہ باز خدا دا قہرنی
پیا وسے گلکھڑ شہرنی

اس شہر تے رب دا سایا اے
ایہوں مولا آپ چلایا اے
ایہدا ناں تاریخ ج آیا اے
ایتھ وگدی پیار دی نہر نی
پیا وسے گکھڑ شہر نی

ایتھوں کالیاں راتماں نسدیاں نیں
ایتھ رنگلیاں پوہاں ہمدیاں نیں
ایتھ رب دیاں رحمتاں وسدیاں نیں
ایتھ دن دا پہلا پہر نی
پیا وسے گکھڑ شہر نی

بند بُوہا

سارے ہو ٹھیں چپ لگی اے
میں ای ہن کچھ بولاں
سارے گٹھیں لگ گئے نیں
میں ای کنڈی کھولاں

شریک

اج دی گل نہیں پہلاں توں ای
آؤندی پئی اے لیک
ماں جائے ای من جاندے نیں
بھ توں ودھ شریک

ونڈ

دو نہ گٹھاں دے وچ پیا اے
سے کوہاں دا پنڈھ
دو نہ بھراواں وچ اساری
لاچ نے اک کندھ

جگراتا

خس گیا اے فیراج سانوں
کوئی ایہ جگراتا
غم کتاب چ نویں سریوں
کھل گیا اک کھاتا

ریت

جگ دی اے ایسہ ریت پرانی
آپ وی ایسہ ازمائیاں
ساون وچ وی رہن ہمیشہ
سائیاں بن ترہائیاں

تحفہ

میرے دیڑے دے وچ جیہڑے
پتھر تہہ دگائے
سانجھ سانجھ کے رکھے سارے
بیٹھک وچ سجائے

اُبالے

دل سمندر دے وچ آئے
خبرے کچے اُبالے
اکھیاں فیر اج ڈھ ڈھ پیاں
جوں وگن پرنا لے

دعوت

میرا دل اے دکھ سمندر
تیرا غم دریا
میرے نال وی جھٹ اک بیہ کے
آہن نیر دہا

برٹھاپا

تھکيا، ٹنیا، راہ بھلندڑا
اک وچارا راہی
جنگل دے وچ گھلدی پئی اے
شام دی وی ہن شاہی

ازادی

تاہنگ ازادی دی جد دل وچ
گھسن گھیریاں کھاوے
اپنے ہون توں دودھ فیر دوجا
ہور خیال نہ آوے

تماشہ

عجب زمانے دے وچ ڈٹھا
ایسہ وی اک تماشہ
تخت دے اتے بیٹھا سی پر
ہتھ اوہدے سی کاسہ

دُعا

ربا! میرے دل نوں بخشیں
عملاں دی اوہ لو
چونہاں پاسے جس چوں کھنڈے
نیکی دی خوشبو

لیکھ

اپنے حصے وچ تے آئیاں
تھل دیاں تتیاں لوواں
خبرے کیمہڑے پاسے ٹر گیا
ونڈدا اوہ خوشبوواں

دارو

تیری غمخواری دے نال تے
ہو یا غم دولا
چنگاسی جے چھڈ دیندا توں
مینوں اک اکلا

سنگ

اڄ وی جانا کل وی جانا
اوڙک ایتھوں ٹورا
ھملاں باجھوں نال اساڙے
جانا نہیں اک بھورا

افغانستان

لہو وی پوتے اڈدی آوے
اک بھڑ بھاکی لدھی
پچی شنی اتے بیٹھی
اک زخمائی کھھی

پتہ

خط دے اُتے کافی اے بس
لکھنا نام گراں
ساری دستی دے وچ اک ای
بندہ اے بدناں

ٹھیسوڑ

میں دی ساں اک مجرم پرسی
ایہہ ورقہ انتھلا
میں وی کنیاں مدتاں توں ساں
گھر دیاں راہواں بھلا

یادواں

کدیں کدیں انج چیتے آون
سانوں تیریاں باتاں
ٹھنڈیاں ٹھار رُتاں وچ جیویں
گھیاں گھیاں راتاں

لے

خبرے اس وچ
یکھڑی شے اے
اج وی دل نوں
اس دی لے اے

لوک انگ

لےہدا جوہن ڈلھ ڈلھ پیندا
اتھے ہر اک غم ٹھل ویندا
لےہدا حسن کیویں دکھاناواں
قربان دھنی اتوں جانواں

رومال

نکی نکی کنی میرا ویر!
سرے اتے رکھو رومال
سدھراں نال کشیدہ کڈھیا
تاہنگاں نال ہر دھاگا کڈھیا
کنگری اُن اُن جھال لائے
بُمل وٹ وٹ پھمن بنائے
تاں جے مینڈا ویر سہائے
پر توں صافہ نہیں بھدا
بودی دے شوقے نال

منہاں

منہاں میرا رہوے سلامت
جس تے چڑھ کے
نپ گھمائی چڑیاں ہوکاں
دل دی کجھی پیڑ لکانواں
اکھیوں وگدے نیر سگانواں
چچ پئی لاواں لوکاں

چار چفیرے نظر بھیواں
راہ مایے دی نکاں
کدیں نہ تھکاں
لاواں جھوکاں

جد اس راہ وچوں ماہیا لنگھے
میں فیر اُچیاں ہوکاں لاواں
اس پاسے اک دٹا دگاواں
راہ جانڈے نوں روکاں

اوہ جے تریسہ کے میں دل تکے
دو جے پاسے میں منہ پھیراں
کھڑ کھڑ ہاسیاں دے پھل کیراں

ایہو میری نت دی عادت
منہاں میرا رہوے سلامت

قربان دھنی دا وسنا

قربان دھنی اتوں جانواں
ایہدے ڈھوکاں ، شر، گرانواں
پئی اس دے سوہے گانواں
قربان دھنی اتوں جانواں

ایہدے کھیر، پیلیاں ، نئے
ایہدے ہر دم رُوپ سوتے
پئی چڑیاں، کال اوڈواں
قربان دھنی اتوں جانواں

ایہدی بھال ، کھوہیاں ، کسیاں
جتنے پیاس بھاون تسیاں
اتھ خوشبو رچیاں وانواں
قربان دھنی اتوں جانواں

ایہدے ککر ، بیر ، پھلایاں
میرے دل نوں پاون پھلایاں
جتنے ٹھنڈیاں مٹھیاں چھانواں
قربان دھنی اتوں جانواں

ایہدی رنگ رنگ بہاراں
کھے رتاں اس توں واراں
اتھ کدیں نہ آون خزانوں
قربان دھنی اتوں جانواں

ایہدا جون ڈلھ ڈلھ پنیدا
اتھ ہر اک غم بھل دیندا
ایہدا حسن کیویں دکھلاواں
قربان دھنی اتوں جانواں

ایسہدی اچیاں نیویاں راہواں
جوں ڈھول سپاہی دیاں چاہواں
پئی نظراں شوق وچھانواں
قربان دھنی اتوں جانواں

”قربان دھنی دا وسنا
اک بانکا جوڑا رکھنا“
توڑے ہووے غریبی تھانواں
قربان دھنی اتوں جانواں

ڈھول سپاہیا

اکھیاں دے دج تر دے اتھرو
دل چوں اٹھدیاں ہلواں
دو نہہ ورہیاں توں ڈھول سپاہیا
گیت دراگ دے گاواں
میرے اتھرو، قوم مری دا
غیرت لو گرماون
میریاں ہلواں لہو بن کے
انکھ دی جوت جگا دن
میں واری اوہناں راہواں توہن
پرت جنہاں توں آویں
دلیں دیاں سرحدیں دا فیر
مان تران ودھادیں

جرگہ

محفل دے وچ گل ترے نال
کرنی آفت ہوئی
آپس دے وچ جوڑ ریہا سی
سراوتھے ہر کوئی

سادھ

دن دیھاڑے جھولی دے وچ
پایا چودھری ہوراں
نند کے جیہڑا سٹ گھتیا سی
پچھلی راتیں چوراں

غزلوں



تیرے حسن پجاری انج تے ہور دی بکتے ہوسن
کون غزل وچ تیرا جوہن میں وانگوں چکاوے



دل اے ضدی بالک اس نوں یکہ کوئی سمجھاوے
چن بھلا اسمانی کیکن میرے ہتھ وچ آوے

تیرے حسن پجاری انج تے ہو روی بہتے ہوسن
کون غزل وچ تیرا جو عن میں دانگن چکاوے

دھرتی دی نازاں دے وچوں پانی اج بھٹا
ہن تے کوئی بدل گجے، رحمت مینہ برساوے

اس دے دل وچ لوڑک میرے پیار دا دیوا جگیا
ہن تے لوہ وی میرے واسطے گیت فراق دے گاوے

آون والے سے دے وچ ہتھ اتانہ رکھے
جو گزری سو گزری یارو یکہ کرنے پچھتاوے

کتھوں کتھوں میں رنگ لیا کے تیری مورت چتراں
تیرا حسن جمال تے یارا پل پل روپ وٹاوے

کھلیاں چھوڑ دتا اے بوہا باغ حسین کمالا
ہن کے دی مرضی بھانویں آوے یا نہ آوے



کھرتوں برتوں ہو گئے سارے سنگی ساتھی میرے
اک اکلا بیٹھا ہویاں سنج منجے ڈیرے

میں ای جاناں کیکن اپنے ڈنگ پٹاواں بیا
تینوں کیہ اے بھرے بھکنے بھانڈے نیں بھ تیرے

میریاں اکھاں چنھیاں ہویاں، راہ نہ کوئی دے
چانن گوہڑا ہویا اے یا ودھ گئے ہور ہنیرے

پچھاں پرت کے جے میں دیکھاں، مایوسی، محرومی
ہول آندا اے خبرے یکھڑی اوکڑ ہوگ آگیرے

عشق گلی وچ پگ پگ سانوں لگدے پئے ڈکھورے
ساڈے جوگی کس نے رکھنی حق بال ہنیرے

اج تائیں جس آیا کوئی دل چھل لانا مینوں
جیہڑی اتھے مونہوں نکلی، اوہو ای گل پریرے

باغ حسین کمالا! جے تده وڈیاں نال نیونہ لانا
گھردیاں حداں کھلیاں کرلے، نوہے رکھ اچیرے



میں تے لیکھیں ہریا رو رو ایویں ای حال و نجانواں
چن لیسے اوہ حسن دی مورت اپنے آپ دا سانواں

کول بٹھا کے ساہنے تینوں دل دا حال سانواں
میں تے روندنا ای رہندا آں تیں وی اج رووانواں

دکھاں دے وچ گھیا ہویا ایہہ ویلا وی آیا
جی کروا اے چھڈاں گھرنوں دور کتھے نس جاواں

ہن تے بھنڈیاں تھلاں دے وچ جاوے توں نہ روکو
ہن تے جٹہ ساڑن لگیاں تیاں بلدیاں چھانواں

اکھیاں دے وچ تر دے اتھرو سبھ کچھ دس دیندے نیں
میں تے یارو دل اپنے دا بہتا بھیت لکانواں

انج لگدا اے مینوں جیویں دکھ ہنیری مگروں
سکھ سینہوڑا لے کے آؤن خوشبو رچیاں وانواں

اپنا درد تے اک پاسے اے میں ان بھول کمالا
لوکاں دے دکھاں نوں ہس ہس نال کلجے لانواں



کنیاں سدھراں نال تسنوں پیار دا پھل سی گھلیا
کچھ نہ قدر پچھاتی تساں بیٹھ پیراں دے ملیا

میریاں ہاسیاں دے وچ پیاریا! گجھیاں پیڑاں لہکن
دکھاں ساڈے چرے اتے خوشیاں پوڈر ملیا

دکھ دیاں دھپاں جشہ ساڑن، دل دے لہونوں کاڑھن
تیرے رسنے نال ای سوہنیا سکھ پرچھانواں ڈھلیا

کیہوا اتھے درد وپاری، کیہوا درد پچھانے
ایویں ای ہنجوں موتیاں بھریا تھال لوہتاں نوں گھلیا

چم چم چماں فیر وی نہ رجاں اکھیاں نال لگاواں
ہتھ میرے دا مان ودھائیو ای پیار نشانی چھلیا

ساڈا سیانا رسیا سانتھوں، کس نوں نبض دکھائیے
تو ای دس ہن کتھوں لیاہیے داروں مرض اوڈیا

کون کمالا درد وٹڈاندا، یکہہ نیں کسے نوں لوڑاں
اپنیاں پیڑاں آپے سہہ توں بن ان بھول نہ جھلیا



ہتھیں ٹھوٹھا چٹا پھڑپھا، گل دج پائیاں لیراں
عشقے دی اج جوت جگائی مست ملنگ فقیراں

کوئی سیانا دے مینوں خواب دیاں تعبیراں
چٹی چادر اتے مکیاں سوہیاں لال لکیراں

تخت تے تختہ اک برابر، امرت زہر پیالہ
مدی خانے گل زاراں نیں، پازیاں زنجیراں

جیہڑے لوکیں دیکھ کے سانوں متھانیں وٹ لیندے
ساڈے مرنیوں بعد اساڈیاں چمن گے تصویراں

دل دے مندریں بچے سجائے ڈگے نہیں مت سارے
گونجیاں نہیں اس مت خانے وچ کیسیاں اج تکیراں

عشق نگر وچ اوہا چالا، اوہا ای ریت پرانی
اج دی سیاں تسیاں جاپن اج دی کوکن ہیراں

دل دے ویڑے کھنڈیا اے باغا اٹھا ٹھیر منھیرا
کتھوں آوے ونڈیاں ہوياں چائن بدر منیراں

باغا! شوکاں مادی ناگن کیویں کیل لیاہے
سارے منتر بے وس ہوئے تھک گئیاں تدبیراں



کوئی نجومی دے سائوں، ہن کیکھہ دس تارے
اپنے لہو وچ پئے نہاؤندے ہن تے درداں مارے

باد بیماری چلدی رہی، پھل دی باگیں کھڑن
تتی کو وچ جیہڑے سڑ گئے ہائے اوہ پھل پیارے

جیون بیڑی ڈبدی پئی اے، کچھ تے سرت سمھاو
دریا دے وچ چھاللاں مارو، بیٹھ نہ رہو کنارے

سدھراں رانیاں دی چٹیاں دی سالو رنگ دٹان
ارماناں دے مہاج دی چڑھن سدھراں دے نال کھارے

* کرنل صاحب جی یکہہ دساں، یکہہ نیں مری گزراں
* دُلھے دے وچ بیٹھی ہوئی کونج، وچھنی ڈارے

دل دے دیڑے گھور سیاہی، تولیں بدر منیراں
کرم کریں جے بخشیں سانوں مکھ دے دو چکارے

* ۱: کرنل محمد خاں (مصنف ”جنگ آمد“)

* ۲: اک پنڈواناں



نال اساڈے سکھ نے پائی خبرے کیمہی اجوڑ
دل دے ویڑے ریتھال نیں جوں قبرال تے سکروڑ

کیہ آکھال تے کیہ نہ آکھال من وچ پے گیا شور
اج ترے اک بول نے بچنال دتی اکھ اکھوڑ

مدتاں پچھوں جل تھل ہوياں ایہہ آکھال دیاں ندیاں
دل دے وگدے ہڑنوں بچنال نہ اج وگنوں ہوڑ

تیرے بول گلاباں درگے، تیرے ہوٹھ ریلے
اسیں کچجے دردال بچے، ساڈی گل توں چھوڑ

سمجھن مہن ٹھکانے لگے لوہ وچارا رانی
دکھ دے ٹولے جیسوں دیوں چپے چپے توں موڑ

چن چان وی اج نہیں بھاندا، نظراں تھڈے لچیاں
پتا نہیں کیہہ ڈھونڈاں باغا کیہہ اے اینہاں دی لوڑ



کنیاں تاهنگھاں سینے دے وچ کونجاں بن کر لان
کنیاں سدھراں تڑف تڑف کے دل وچ ای مرجان

کدیں تے خوشیاں نال وی ہوسی ساڈی جان پچھان
کدیں تے دل وچ پیلاں پاسن موراں وانگ ارمان

دھوڑ اڈاندے درد ولوہنے پیڑاں مارمکان
یاد سے چوں جدوی سدھراں لک لک جھاتی پان

جیہا کون جو بلدی اتے آکے پانی پاوے
لوکیں دل دا درد نہ جانن ہور وی اگ بھروکان

ہاڈ دے وچ رکھ کمالا بیٹھے سیتاں گندے
مہر دے وچ پاؤنے کدھرے اس راہ وی آجان



جن چانن جھلدی پئی اے مست ہرے دی وا
بن کے جن اسمانوں میرے ویٹھے دج لہ آ

اج دی میریاں بولاں دے دج تیری سک خشبو
اج دی تیریاں یاداں دل نوں دیندیاں نیں ترفا

اھ اشارہ لوڑن لئی میں راہواں مل کھلوتا
نیویاں پا کے لگھدیا بھناں! میں دل نظر اٹھا

قوس قزح دی پینگ ج دے تیرا حسن جوانی
شاماں ویلے دی لالی دج تیری شرم حیا

کدیں تے خولباں دی شنرا دی، میری بدر منیراں
آپ اکھسی ”آ بہو باغا! حال حوال سنا“



اے تے منزل دور دراڑی، اے تے لمیاں جوہاں
تڑفن تے کرلاون پیاں اے تے سکدیاں روحاں

بجرے پیار توں جے کر تینوں ویہل ملے تے سوچیں
کمرے دی اک نکر یہہ کے قول دتے سن دوہاں

میرے دل دے تھل وچ لکھاں تاہنگاں سیاں تسیاں
ست سمندر نیں وی تھوڑے یکہہ کرنا اے کھوہاں

میں وی اپنے دل دا محرم اج تاں نیں نہیں بیا
دل دی تمہ وچ یکہہ یکہہ جذبے تین یکہہ لکھن سوہاں

سارے اپنا پلا چھڈا کے گھرو گھریں نیں ٹر گئے
باغ کمالا رہیاں کھلوتا وچ مدانے توہاں



جدوی دل دے ئوہے وچوں عشقے پائی جہات
بدل گئے سبھ رنگ ڈھنگ ساڈے بھل گئی ذات۔ رات

لوتیاں لایاں کچھ نہیں بن دا دس کیمہ کھیا کیدو
سبھ کم ہوندے سدھے جے کر راضی رب دی ذات

لھکن داغ اولڑے دل دے اوہدے غم دے پاروں
تارے جیکن چمکاں مارن اندر تھیری رات

نیر اکھیاں چوں ڈلھ ڈلھ پیندے جدوی اوہ یاد آون
بدل جیکن جھڑیاں لاندے وچ موسم۔ برسات

کچھ شیں سمجھا کیمہ ہن کہیے سوچ نہ دیندی راہ
مارے زور کمالا بھتے پر نہ بن دی بات



غم دا داغ نہ دھوپے بھانویں لکھ واری پیا دھوپے
کون مٹاوے جیہدے دل تے پیاں لوہدیاں لیکاں؟

گھر گھر دے وچ شاہدیاں پیاں ساڈے پیار دیاں بچاں
یکہڑی گل الے جوئیں کیتی ساڈے نال شریکاں

چھم چھم روندے نین وچارے جندڑی پئی کرلاوے
کدوں مکن دے وچ آؤسن ایہہ عشقے دیاں ریتاں

چن وچارا نکدا نکدا ٹر گیا اپنے گھرنوں
میں نمائی بیٹھی کلی، کد تک تینوں ڈیکاں

اٹے کشتی آس دی باغا بحرغماں وچ جس دم
کچھ نہ کردا رونا دھونا کم نہ آون چیکاں



جلدی ایس پئی کیموے سب دی چال توں باغیے مارے
کیموہا جیموہا تیرے اپروں اپنی جند نہ وارے

پیار دی پوئی چھوہ کے اڑیے توڑ وی اوہنوں چاڑھیں
سوہنی سسی بننا تینوں سجدا اے میارے

کچراں تیریاں راہواں تکیے کچراں زہراں پھکیے
کچراں پیٹھ جدائیاں والی کھاندی رہے ہلارے

کون کے دا درد وڈاندا کیمہ کے نوں لوڑاں
اپنیاں پیڑاں آپوں سہیے چھی آپوں بھارے

ٹھہل کے کشتی پیار دی باغا جھڈ گئے کل مکلیاں
کیمہ کریے تے کتھے جائیے اسیں درداں مارے



بدل نظارہ کوئی نہیں چڑھیا، اکھیاں نہیں ترہائیاں
پلے سیک وچھوڑا لے کے تتیاں وانواں آئیاں

سوچاں دے وچ مہکاں رچیاں، اکھیاں نہیں نشائیاں
اچن چیتی دل دی باریوں کس نے جھاتیاں پایاں

جھکڑ جھلیا پیڑاں والا، درد ورولا اٹھیا
پھل ارماناں گئے پاڑے سک کلیاں زخمائیاں

گزرے وی تے کیکن گزرے رات جدائیاں والی
ماہیا موڑ مہاراں تھہ ہن کنیاں مدتاں لائیاں

باغ کمالا! جدوں دا ماہی اکھیوں او جھل ہویا
ساڈے دل دے ویٹریوں گئیاں خوشبوواں، رشنائیاں



مدتاں توں جسں بدل وسیا پیاں غرقیاں جہتیاں
دانے دانے نوں پئے سکدے خالی ہو گئیاں گہتیاں

خبرے یکہہ یکہہ سوچدے رہے پر اوہ جدوں سی ملیا
ایدھر اودھردی رہے کردے دل دیاں دل وچ رہتیاں

وڈیاں چاہواں نال منگایا سی اخبار بزاروں
پڑھن لکھیاں جاپیا پرسن ساریاں خبراں بیہتیاں

میرا وس چلے تے یارو اک اک بدلہ موڑاں
اوہو شال میں وی ماراں جیہڑیاں شال سہتیاں

فریاداں، کرلاٹاں، پیڑاں ، تڑفاتاں تے آہاں
باغ کمالا متراں ولوں ایسہ سوغاتاں ڈھہتیاں



دیوے بال رکھاں خانقاہواں
مینوں ڈھولا تیریاں چاہواں

میں تیری اڈیک بچ کھڑی آں
توں بدل نہ جاویں راہواں

توں خوشیاں موجاں مانیں
میں بھر بھر بھر دی ہاواں

اج اکھیاں چھم چھم وسیاں
اج بچکی لائی ساہواں

میں تیریاں قداں بچ بچاں
پئی جندڑی اپنی ڈاہواں

میں واری صدقے جاواں
تدھ پھیریاں کیوں نگاہواں

کیویں خوشیاں جھولی پاواں
کیویں دکھڑے مگروں لاہواں

میں باغا دکھڑے بچاں
پیا غم دے کھیتڑ واہواں



دل دی اکھ اگھوڑنا
ہن تے سونا چھوڑنا

دل وچ رب دا نور اے
دل شیشہ نہ توڑنا

تیرا تاؤں الاپنا
ماکھیں منہ نہچوڑنا

تیری مرضی دیونا
ساڈا کم اے لوڑنا

عرشوں اگے جادنا
انبر پچھے چھوڑنا

سدھر اے ہک آھلنا
تیلا تیلا جوڑنا

اسیں کھلوتے راہ تے
ایدھر واگاں موڑنا

ق

سبق دیندا گھڑی گھڑی
ویلے دا جھنجوڑنا

حق دا جھنڈا چاڈنا
ظلم دی بانہ مردوڑنا

ٹھوکن اوکھی کار اے
سوکھا کم اکھوڑنا

ہن تے چیتے آوسی
اوس نوں ساڈا ہوڑنا

باغا عبرت بن گیا
اوس دا ہیری بوڑنا



ہوندا جاویں پراں پریرا
دوش کوئی تے دس جا میرا

ماڑیاں دیا وسیکا تینوں
ڈیکے ساڈا اجڑیا ڈیرا

خوشیاں کریئے، کھیڈ رچائیے
توڑ کے یارو! فکراں گھیرا

میرا تھانواں بوہتا نیواں
تیرا تھانواں بوہتا اچیرا

باغا! اینویں ای اس پاسے
پاندے رہے پھیرے تے پھیرا



صدیاں دا اک روگ
جندڑی رہی اے بھوگ

یکھوے یکھوے غم دا
یارو کرے سوگ

دل پکھو ہر ویلے
چھدا غم دی چوگ

کہیے وی تے یکھہ
گنگا ساڈا روگ

باغا دڑ وٹ رہو
چپ چپ دُکھڑے بھوگ



کون نیزے
جھگڑے جھیرے

ہیر و چاری
ظالم کھیرے

آپ مہاریاں
دکھ سہیرے

بات خوشی دی
کوئی چھیرے

باغا ترس
ساڈے بیڑے



گھوڑ سہارے
ٹٹ گئے سارے

کیویں چچے
جیون بھارے

دل دی بازی
دل توں ہارے

اکھیوں ہنجوں
بن گئے تارے

کچرک مکھن
اوسدے لارے

جھگیاں پائیے
ڈھہہ گئے ڈھارے

ق

کیوں ڈبیا ایں
سوچ وچارے

باغا! مہساں
کنارے



کالیاں راتاں

درد قاتاں

ملیاں سانوں

غم سوغاتاں

اکو جیڑیاں

ساریاں ذاتاں

آؤ ورتائیے

کھنڈ پراتاں

یاد آیاں نہیں

دسریاں باتاں

جن مل جاوے
ایڈ . براساں

ق
دل وچ اپنے
پا لے جھاساں

چھڈ کمالا
کوڑیاں باساں



کمال باغ

سوال پيار

کُنیاں خوشیاں

سمھال روگ

چکي جيون

گال جندڙي

دھونا رونا

وبال عشق

ليساں متھا

نال ويری

مٹھیاں گلاں
مکر جال

چلے زمانہ
پُٹھی چال

ہور کمالا!
مندڑا حال



دل دے ڈیرے
درد گھنیرے

چار چغیرے
گھور ہنیرے

ہائے جے مولا
اوہ رت پھیرے

دیکھل نہ دیون
فکراں گھیرے

ق

پہریں چھالے
پندھ لمیرے

فیر دی راہی
دردی تیرے

باغا! بولے
کاگ بنیرے



آکھ اکھوڑ

سونہ چھوڑ

چونہاں پاسے

تھوڑ ای تھوڑ

دل بچ سدھراں

جوں سکروڑ

اج مہانے

بیڑی بوڑ

رب پجاسی

ساڈی لوڑ

بآغا لائی آ

چاڑھیں توڑ



چھلا نشانی
پیار کہانی

دُکھڑے بھوگے
جند نمائی

تاہنگ وچاری
درد رنجانی

چیتے آوے
زُت سہانی

میرا جیون
توں ایس جانی

درد وچھوڑا
ریت پرانی

غم چ تیرے
عمر وہانی

دل وچ کبھی
غم دی کانی

رس نہ جائیں
میرے ہانی

وگڑی وگڑی
ساری تانی

جان لباً تے
پلاؤ پانی

کرے اشارے
اکھ مستانی

کھردی جاوے
باغ جوانی



یار یاد
بہار باغ

تیری جت اے
میری ہار

ڈھٹھا کوٹھا
فیر اُسار

رُت پھری اے
موڑ مہار

روگ اولڑا
دتا یار

اودے اتوں
جنڈری وار

خوشیاں کم کم
روگ ہزار

دیر مکا کے
پیاد کھلار

لک تروڑے
جیون بھار

چادر دیکھ
پیر پسار

اللہ اللہ
مہیش چنار

لوکی کر دے
کوڑ دپار

بن کمالا
توں پھیار



بھیرے چالے

تیرے حالے

نور لکیراں

اکھر کالے

ق

دُکھ دی چکی

غم دے گالے

خوشیاں چھڑیاں

روگ سمھالے

رُسیا ماہی

پچھلے سالے

باغ حسین کمال دا پنجابی شعری مجموعہ ”سکدیاں روحاں“ نویں پنجابی
شاعری وچ اک نکھیر دی آواز اے۔ کمال ہوراں نے پنجابی صوفیانہ شاعری دی
روایت نوں دھنی دی لوک رہتل تے نویں شعور سنگ فنی سوہنیپ نال پیش کیتا اے۔
اوہناں آپنے دل تے دنیا دونواں دیاں سدھراں تے آساں نوں آپنی فقیرانہ لے
وچ سمویا اے، تے اس فقیرانہ لے وچ دلاں وچ لہن آلا اک رسیلا درد اے۔
ایہناں سارے گناں نال اوہناں دی شاعری نویں پنجابی شاعری داماں اے۔

ڈاکٹر غلام حسین اظہر

9/ اگست 1994